

ერთის მხრივ, აჭარის ავტონომიური რესპუბლიკის სოფლის მეურნეობის სამინისტრო (შემდგომში - „შემსყიდველი“) წარმოდგენილი მინისტრის ლაშა კომახიძის სახით და მეორეს მხრივ, შპს „იბერჯეს კონსალტინგი“ (შემდგომში - „მიმწოდებელი“) წარმოდგენილი დირექტორის გიორგი კალანდაძის სახით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ე“ ქვეპუნქტის და შპს „იბერჯეს კონსალტინგი“-ს სატენდერო წინადადების საფუძველზე, ელექტრონული ტენდერის (NAT-170003571) ჩატარების შედეგად დებენ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე. თუ ხელშეკრულებით გათვალისწინებული ვადის უკანასკნელი დღე ემთხვევა უქმე ან დასვენების დღეს, ვადის დამთავრების დღედ ჩაითვლება მისი მომდევნო პირველი სამუშაო დღე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს მომსახურების მიწოდებას ხელშეკრულების ფარგლებში.
- 1.6. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ფასების ცხრილი“ - მიმწოდებლის მიერ ელექტრონული ტენდერის ფარგლებში წარმოდგენილი „ფასების ცხრილი“.

2. ხელშეკრულების საგანი

- 2.1. ხელშეკრულების საგანია - სამინისტროს 2017 წლის პროგრამის „აგროსექტორის მდგრადი განვითარების“ ქვეპროგრამის „აგროსექტორის განვითარების საჭიროებათა კვლევები და სტრატეგიის“ ფარგლებში მანდარინის წარმოებასა და ექსპორტთან დაკავშირებული ლოჯისტიკური და სხვა სახის ინფორმაციის კვლევა და შესაბამისი რეკომენდაციის მომზადების მომსახურების შესყიდვა (CPV კოდი - 73300000 - კვლევისა და განვითარების დაპროექტება და განხორციელება).
- 2.2. გასაწევი მომსახურების ფასები, მიწოდების ვადები, ტექნიკური მახასიათებლები განსაზღვრულია წინამდებარე ხელშეკრულებით, ხელშეკრულების დანართი N1 და დანართი N 2 - ის მიხედვით.

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს 24 999 (ოცდაოთხიათას ცხრაას ოთხმოცდაცხრამეტი) ლარს.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების შესყიდვასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი.

3.3. გამომდინარე იქიდან, რომ სატენდერო წინადადება წარმოდგენილ იქნა დღგ-ს გათვალისწინებით, იმ შემთხვევაში, თუ მიმწოდებელი ანგარიშსწორებისას არ იქნება დღგ-ს გადამხდელი, ანგარიშსწორებისას გადასახდელი თანხა შემცირდება დღგ-ს თანხის ოდენობით.

4. მომსახურების გაწევის ვადები, ფორმა, ადგილი და პირობები

4.1. ხელშეკრულების დანართი N1-ით მოთხოვნილი ტექნიკური მახასიათებლების შესაბამისად მომზადებული საბოლოო დოკუმენტის - „მანდარინის წარმოებასა და ექსპორტთან დაკავშირებული ლოჯისტიკური და სხვა სახის ინფორმაციის კვლევა და შესაბამისი რეკომენდაციები“ ელექტრონული ვერსია, მიმწოდებლის მიერ წარმოდგენილი უნდა იქნას ხელშეკრულების გაფორმებიდან 90 კალენდარული დღის ვადაში.

4.2. „4.1.“ პუნქტის შესაბამისად წარმოდგენილი დოკუმენტის ელექტრონული ვერსია შემსყიდველის მიერ განიხილება წარმოდგენიდან 10 კალენდარული დღის ვადაში, შენიშვნ(ებ)ის არსებობის შემთხვევაში მიმწოდებელს წერილობით ეცნობება ინფორმაცია გასათვალისწინებელი შენიშვნების შესახებ, ხოლო შენიშვნების არარსებობის შემთხვევაში მიმწოდებელს წერილობით ეცნობება ხელშეკრულებით ნაკისრი ვალდებულებების შემდგომი შესრულების თაობაზე.

4.3. მიმწოდებელი ვალდებულია, შემსყიდველის მიერ 4.2. პუნქტით გათვალისწინებული შენიშვნების მიწოდებიდან/შემდგომი შესრულების თაობაზე მიმართვიდან 10 კალენდარული დღის ვადაში წარმოადგინოს (შენიშვნების არსებობის შემთხვევაში წარმოადგინოს შენიშვნების შესაბამისად კორექტირებული) საბოლოო დოკუმენტის - „მანდარინის წარმოებასა და ექსპორტთან დაკავშირებული ლოჯისტიკური და სხვა სახის ინფორმაციის კვლევა და შესაბამისი რეკომენდაციები“, როგორც ელექტრონული ვერსია, ასევე 10 ეგზემპლარი ნაბეჭდის სახით და 10 ეგზემპლარი მსოფლიო კონტურული რუკა, რომელიც შემსყიდველის მიერ განიხილება წარმოდგენიდან 5 კალენდარული დღის ვადაში და მათი ხელშეკრულების პირობებთან სრულად შესაბამისობის შემთხვევაში ფორმდება მიღება-ჩაბარების აქტი.

წარმოდგენილი საბოლოო დოკუმენტი უნდა იყოს A4 ფორმატის მაღალი ხარისხის 100-120 გრ/კვ.მ. ცარცის თეთრ ფურცელზე, ფერადი ციფრული ნაბეჭდი, ფერადი ილუსტრაციებით, აკინძული წიგნის სახით (აკინძული თერმოწებოთი); ყდა-250-300 გრ/კვ.მ ცარცის ფურცელი, ცალმხრივი ლამინირებით, გარეყდაზე სხვა ინფორმაციასთან ერთად მითითებული უნდა იქნას სამინისტროსა და შესაბამისი პროგრამის/ქვეპროგრამის დასახელება და სამინისტროს ლოგო, ხოლო მსოფლიო კონტურული რუკა უნდა იყოს ფერადი, ჩარჩოში ჩასმული პარამეტრებით 60 სმX80 სმ (ხელშეკრულების დანართი N1-ის მე-3 თავის 3.6. ქვეპუნქტის განმარტებებით გათვალისწინებული მოთხოვნების შესაბამისად).

4.4. მომსახურების მიწოდების ადგილი ქ. ბათუმი, აჭარის ავტონომიური რესპუბლიკის სოფლის მეურნეობის სამინისტრო.

4.5. ხელშეკრულების დანართი N1-ის მე-2 თავის 2.1. და 2.2. პუნქტებით გათვალისწინებული ინფორმაცია მიმწოდებელს მიეწოდება შემსყიდველის მიერ ხელშეკრულების გაფორმებიდან 45 კალენდარული დღის ვადაში.

5. მომსახურების მიღება-ჩაბარება

5.1. მომსახურება მიღებულად ჩაითვლება მხოლოდ მომსახურების მიწოდებაზე საბოლოო შემოწმებისა და 4.3. ქვეპუნქტის შესაბამისად სრული მომსახურების მოწოდებაზე მიღება-ჩაბარების აქტების გაფორმების შემდეგ.

5.2. იმ შემთხვევაში თუ მიმწოდებელი არ იქნება დღგ-ს გადამხდელი, საბოლოო

შემოწმების, მიღება-ჩაბარების აქტი და სასაქონლო ზედნადები გაფორმდება დღგ-ს გამოკლებით.

6. მომსახურების ხარისხი და გარანტია

6.1. მიმწოდებელის მიერ მიწოდებული მომსახურება სრულად უნდა შეესაბამებოდეს შემსყიდველის მიერ მოთხოვნილ და მიმწოდებლის მიერ წარმოდგენილ გასაწევო მომსახურების ძირითად მახასიათებლებს (დანართი N1 თან ერთვის).

6.2. გაწეული მომსახურების ხარისხზე პასუხისმგებელია მიმწოდებელი.

7. ხელშეკრულების შესრულების კონტროლი

7.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი.

7.2. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის ჩატარებისათვის აუცილებელი ტექნიკური საშუალებებით და სხვა სამუშაო პირობებით.

7.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

7.4. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს შესაბამისი კონტროლის ჯგუფი.

8. ანგარიშსწორების პირობები:

8.1. ანგარიშსწორება განხორციელდება უნადლო ანგარიშსწორების ფორმით.

8.2. ანგარიშსწორება მოხდება მოწოდებულ სრულ მომსახურებაზე სასაქონლო ზედნადების/ანგარიშგაქტურის წარდგენის, საბოლოო შემოწმებისა და მიღება-ჩაბარების აქტების გაფორმებიდან არაუგვიანეს 10 (ათი) სამუშაო დღის ვადაში.

8.3. ანგარიშსწორება მიმწოდებელთან განხორციელდება ლარებში.

9. ხელშეკრულების პირობების შეუსრულებლობა

9.1. თუ მიმწოდებლის მიერ დარღვეული იქნა ხელშეკრულების 4.1. და 4.3 ქვეპუნქტებით გათვალისწინებული მომსახურების გაწევის ვად(ებ)ი, მაშინ მას ეკისრება პირგასამტეხლოს გადახდა, ყოველი დარღვევისათვის ხელშეკრულების ღირებულების 0,1%-ის ოდენობით ყოველ ვადაგადაცილებულ დღეზე.

9.2. ხელშეკრულების 9.1. პუნქტით გათვალისწინებული პირგასამტეხლოს გადახდა მიმწოდებელს არ ათავისუფლებს ძირითადი ვალდებულებების შესრულებისაგან.

9.3. სახელმწიფო შესყიდვის შესახებ ხელშეკრულების პირობების მიმწოდებლის მიერ შეუსრულებლობის გამო, შემსყიდველის მიერ ხელშეკრულების ცალმხრივად შეწყვეტის შემთხვევაში, მიმწოდებელს ეკისრება პირგასამტეხლო ხელშეკრულების ღირებულების 5 (ხუთი) %-ის ოდენობით.

9.4. მიმწოდებელი ვალდებულია დარიცხული პირგასამტეხლოს თანხა პირგასამტეხლოს დარიცხვის შესახებ შეტყობინების მიღებიდან 7 (შვიდი) კალენდარული დღის ვადაში ჩარიცხოს შეტყობინებაში მითითებულ ბიუჯეტის შესაბამის ანგარიშზე და წარუდგინოს შემსყიდველს აღნიშნულის დამადასტურებელი დოკუმენტი (საგადახდო დავალების დედანი ან ბანკის მიერ დამოწმებული ასლი).

9.5. ანგარიშსწორების ვადის გადაცილების შემთხვევაში, მიმწოდებელი უფლება-მოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე, დროულად გადაუხდელი თანხის 0.02% ოდენობით. ასეთი უფლებით მიმწოდებელმა

შეიძლება ისარგებლოს მხოლოდ საკუთარი შეხედულებისამებრ და იგი არ წარმოადგენს მის ვალდებულებას.

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის ფასის შეცვლა, დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა განხორციელდება საქართველოს კანონმდებლობით დადგენილი წესით.

10.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.4. ხელშეკრულება ასევე შეიძლება შეწყდეს მხარეთა ინიციატივით, ურთიერთ-შეთანხმების საფუძველზე.

10.5. იმ შემთხვევაში თუ ხელშეკრულებით გათვალისწინებული ვალდებულების დარღვევისათვის, ხელშეკრულების 9.1 პუნქტის საფუძველზე მიმწოდებლისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 3 %-ს შემსყიდველს უფლება აქვს ცალმხრივად შეწყვიტოს ხელშეკრულება.

11. ხელშეკრულების შეწყვეტა მისი პირობების შეუსრულებლობის გამო

11.1. შემსყიდველს შეუძლია ვალდებულებების მთლიანი ან ნაწილობრივი შეუსრულებლობისთვის შეწყვიტოს ხელშეკრულება, მიმწოდებლისთვის ვალდებულებების შეუსრულებლობის შესახებ წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს ხელშეკრულებით გათვალისწინებული მომსახურება;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

11.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

11.3. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზის გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) თუ მისთვის ცნობილი გახდა, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდა;

გ) საქართველოს კანონმდებლობით გათვალისწინებულ სხვა შემთხვევებში.

12. დაუძლეველი ძალა

12.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველი ძალის გარემოების შედეგი.

12.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

12.3. დაუძლეველი ძალის დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი ძალის ზეგავლენისაგან.

13. ქვეკონტრაქტორები

13.1. მიმწოდებელმა წერილობით უნდა აცნობოს შემსყიდველს, ხელშეკრულების გაფორმების შემდგომ ქვეკონტრაქტორ(ებ)ის აყვანის ან/და შეცვლის შესახებ, ქვეკონტრაქტორის აყვანის/შეცვლის აუცილებლობის მიზეზების დასაბუთებით.

13.2. ქვეკონტრაქტორის აყვანის შემთხვევაში მიმწოდებლის მიერ ქვეკონტრაქტორზე წარმოდგენილი უნდა იქნას (NAT-170003571) სატენდერო დოკუმენტაციის 2.2.1. და 2.4.1. პუნქტებით გათვალისწინებული ინფორმაცია და დოკუმენტაცია.

13.3. ქვეკონტრაქტორ(ებ)ის დასაშვებობის საკითხს წყვეტს შემსყიდველი.

13.4. ამ ხელშეკრულების ფარგლებში დადებული ყველა ქვეკონტრაქტ(ებ)ის ასლი უნდა წარედგინოს შემსყიდველს.

13.5. ქვეკონტრაქტორის აყვანის შემთხვევაში მიმწოდებელი არ თავისუფლდება ხელშეკრულებით გათვალისწინებული ნებისმიერი სახის პასუხისმგებლობისა თუ ვალდებულებისაგან და იგი პასუხს აგებს ქვეკონტრაქტორისა და მისი მომსახურე პერსონალის მიერ ჩადენილ ნებისმიერ ქმედებაზე, შესრულებულ მომსახურებაში დაშვებულ ნებისმიერ ხარვეზზე. მიმწოდებელი ვალდებულია უზრუნველყოს, რომ ქვეკონტრაქტორმა შეასრულოს ხელშეკრულებით გათვალისწინებული პირობები.

14. გადასახადები და დაბეგვრა

ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულებით სხვა რამ არ არის გათვალისწინებული.

15. უფლებების გადაცემა

მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით ნაკისრი ვალდებულებები მესამე მხარეს.

16. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოში

მოქმედი კანონმდებლობის შესაბამისად.

17. ხელშეკრულების მოქმედების ვადა

ხელშეკრულება ძალაში შედის ხელშეკრულების თავში მითითებული თარიღიდან დამოქმედებს 2017 წლის 25 ოქტომბრის ჩათვლით.

18. სხვა პირობები

ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

19. მხარეთა იურიდიული მისამართები და რეკვიზიტები

„შემსყიდველი“	„მიმწოდებელი“
---------------	---------------

აჭარის ავტონომიური რესპუბლიკის
სოფლის მეურნეობის სამინისტრო
ქ. ბათუმი, აკ.მ. კომახიძის ქ. N 119
საიდენტიფიკაციო კოდი: 245428265
საკონტაქტო ელ.ფოსტა:
m.turmanidze@moa.ge

შპს „იბერჯეს კონსალტინგი“
ქ. თბილისის, ვაკე-საბურთალოს რ-ნი,
ბროლოსანის ქ., N 31, ბ. 7
ს/კ: 405047738
ა/ნ GE82BG0000000739447600
მ/ზ: სს „საქართველოს ბანკი“
ბ/კ: BAGAGE22
საკონტაქტო ელ.ფოსტა:
george@iberges.ge



**გასაწევი მომსახურების
ტექნიკური მახასიათებლები**

შესყიდვის ობიექტი	გასაწევი მომსახურების აღწერა
სამინისტროს 2017 წლის პროგრამის „აგროსექტორის მდგრადი განვითარების“ ქვეპროგრამის „აგროსექტორის განვითარების საჭიროებათა კვლევები და სტრატეგიის“ ფარგლებში მანდარინის წარმოებასა და ექსპორტთან დაკავშირებული ლოჯისტიკური და სხვა სახის ინფორმაციის კვლევა და შესაბამისი რეკომენდაციის მომზადება	თავი 1. მანდარინის წარმოება მსოფლოში და საქართველოში 1.1 მანდარინის წარმოება საქართველოში; 1.2 მანდარინის წარმოება ხმელთა შუა ზღვის აუზის ქვეყნებში; 1.3 მანდარინის წარმოება აზიის ქვეყნებში; 1.4 მანდარინის წარმოება ამერიკის კონტინენტზე; 1.5 მანდარინის წარმოების გეოგრაფიული რუკა. განმარტება: „1.1“ – „1.4“ პუნქტებში, მიმწოდებელმა, სხვა ინფორმაციასთან ერთად აუცილებლად უნდა წარმოადგინოს შესაბამისი ქვეყნების ქრილში დამუშავებული შემდეგი სახის ინფორმაცია: - მანდარინის საშუალო წლიური წარმოების სტატისტიკა ბოლო წლების (არაუგვიანეს 5 წლის) მაჩვენებლებზე დაყრდნობით; - მანდარინის სამრეწველო ჯიშები და მათი საშუალო საპექტარო მოსავლიანობა; - მანდარინის წარმოების გავრცელებული ფორმები (სამრეწველო ზაღები და მათი ტიპური ზომა); - მანდარინის კრეფა/ექსპორტის პერიოდი მოცემული ქვეყნებიდან; - ჩამოთვლილი ქვეყნების ძირითადი საექსპორტო ბაზრები და მათი მოკლე მიმოხილვა; - მანდარინის ექსპორტის ფორმები თურქეთიდან (წარმოება - ექსპორტის ჯაჭვი). „1.5“ პუნქტში იგულისხმება თეთრი მსოფლიო რუკა, რომელზეც გამოსახულია ქვეყნების კონტურები. მანდარინის მწარმოებელი ქვეყნები გაფერადებულია ნარინჯისფრად. ქვეყნის სახელის ქვეშ, იმავე კონტურებში მითითებულია: ა) მანდარინის წარმოების საშუალო წლიური რაოდენობა; ბ) მანდარინის კრეფის/ექსპორტის პერიოდი თვეებში. წარმოდგენილ დოკუმენტში მოყვანილ სტატისტიკურ ინფორმაციასთან დაკავშირებით სქოლიოში მითითებული უნდა იყოს წყარო(ები), საიდანაც იქნება მოპოვებული ინფორმაცია მიმწოდებლის მიერ (ოფიციალური დოკუმენტები (ასეთის არსებობის შემთხვევაში), ვებგვერდი, სკრინშოტი, ლინკი, ფოტო და სხვა), რაზეც შესაბამისად პასუხისმგებლობას იღებს მიმწოდებელი (საჭიროების შემთხვევაში დასაბუთებული უნდა იქნას ინფორმაციის ნამდვილობა) თავი 2. საქართველოში წარმოებული მანდარინის მაჩვენებლები (2014-2016 წწ) 2.1. საქართველოდან ექსპორტირებული მანდარინის რაოდენობა 2014-2016 წლებში (ქვეყნებისა და თვეების ქრილში); 2.2. აჭარაში გადამუშავებული არასტანდარტული მანდარინის რაოდენობა 2014-2016 წლებში (კომპანიებისა და თვეების ქრილში); 2.3. საქართველოში მანდარინის იმპორტი და სხვა თემატური სტატისტიკა 2014-2016 წლებში; 2.4. სტატისტიკური ინფორმაციის ანალიზი. განმარტება: „მე-2“ თავის 2.1. და 2.2. პუნქტებით გათვალისწინებული ინფორმაცია შემსყიდველის მიერ მიმწოდებელს მიეწოდება ხელშეკრულების გაფორმებიდან 45 კალენდარული დღის ვადაში. „2.4“ პუნქტით შემსრულებელმა უნდა წარმოადგინოს „2.1“ – „2.3“ პუნქტებში მითითებული სტატისტიკური და სხვა სახის ინფორმაციის ანალიზი. მიუთითოს მნიშვნელოვანი ფაქტები და განმარტოს მათი ბუნება/გამომწვევი მიზეზები. წარმოდგენილ დოკუმენტში მოყვანილ სტატისტიკურ ინფორმაციასთან დაკავშირებით სქოლიოში მითითებული უნდა იყოს წყარო(ები), საიდანაც იქნება მოპოვებული ინფორმაცია მიმწოდებლის მიერ (ოფიციალური დოკუმენტები (ასეთის არსებობის შემთხვევაში), ვებგვერდი, სკრინშოტი, ლინკი, ფოტო და სხვა), რაზეც შესაბამისად პასუხისმგებლობას იღებს მიმწოდებელი (საჭიროების შემთხვევაში დასაბუთებული უნდა იქნას ინფორმაციის ნამდვილობა).
	თავი 3. მიზნობრივი საექსპორტო ბაზრები და მათი ანალიზი 3.1. კავკასიის ქვეყნები: აზერბაიჯანი და სომხეთი; 3.2. შუა აზიის ქვეყნები: ყაზახეთი, უზბეკეთი, ყირგიზეთი, ტაჯიკეთი, თურქ-მენეთი;

	3.3. აღმოსავლეთ ევროპის ქვეყნები: უკრაინა, ბელორუსია, მოლდავეთი; 3.4. პოლონეთი და ბალტიისპირეთის ქვეყნები; 3.5. რუსეთი; 3.6. საექსპორტო მარშრუტების გეოგრაფიული რუქა. განმარტება: შემსრულებელმა, მოცემულ თავში უნდა წარმოადგინოს ინფორმაცია (და მისი ანალიზი) „3.1“ – „3.5“ პუნქტების სათაურებში მითითებული ქვეყნების მიხედვით. თითოეული ქვეყნის მიხედვით წარმოდგენილი უნდა იყოს მინიმუმ შემდეგი სახის ინფორმაცია: ☐ მანდარინის ტრანსპორტირების სახეები; ☐ ტრანსპორტირების მარშრუტები და საჭირო დრო; ☐ ექსპორტის დეტალური ფასწარმოქმნა; ☐ მანდარინის საცალო ქსელში სარეალიზაციო ფასები (ბოლო სამი წლის მონაცემებზე დაყრდნობით); ☐ კონკრეტული ქვეყნის მომხმარებლის (სასურსათო ქსელების ან/და ბაზრის) მოთხოვნები მანდარინის მიმართ (ნაყოფის ზომა, ჯიში, გემოვნური თავისებურებანი, შეფუთვა და ა.შ.); ☐ ფიტოსანიტარული მოთხოვნები. „3.6“ პუნქტში იგულისხმება ამავე დოკუმენტის 1.5 პუნქტით განსაზღვრული რუქა, რომელზეც დამატებით გამოსახულია მწარმოებელი ქვეყნების საექსპორტო მარშრუტები, ასევე საქართველოდან ზემოთ ჩამოთვლილ მიზნობრივ ბაზრებზე საექსპორტო მარშრუტები ძირითადი პუნქტების და მანძილების აღნიშვნით. წარმოდგენილ დოკუმენტში მოყვანილ სტატისტიკურ ინფორმაციასთან დაკავშირებით სქოლიოში მითითებული უნდა იყოს წყარო(ები), საიდანაც იქნება მოპოვებული ინფორმაცია მიმწოდებლის მიერ (ოფიციალური დოკუმენტები (ასეთის არსებობის შემთხვევაში), ვებგვერდი, სკრინშოტი, ლინკი, ფოტო და სხვა), რაზეც შესაბამისად პასუხისმგებლობას იღებს მიმწოდებელი (საჭიროების შემთხვევაში დასაბუთებული უნდა იქნას ინფორმაციის ნამდვილობა).
	თავი 4. ადგილობრივი წარმოების, შეფუთვის და ექსპორტის, ასევე მიზნობრივი ბაზრების მოთხოვნებისა და მონაცემების, ასევე მსოფლიო წარმოების კონტექსტში: ☐ ანალიზი; ☐ დასკვნები; ☐ რეკომენდაციები. განმარტება: წარმოდგენილ დოკუმენტში მოყვანილ სტატისტიკურ ინფორმაციასთან დაკავშირებით სქოლიოში მითითებული უნდა იყოს წყარო(ები), საიდანაც იქნება მოპოვებული ინფორმაცია მიმწოდებლის მიერ (ოფიციალური დოკუმენტები (ასეთის არსებობის შემთხვევაში), ვებგვერდი, სკრინშოტი, ლინკი, ფოტო და სხვა), რაზეც შესაბამისად პასუხისმგებლობას იღებს მიმწოდებელი (საჭიროების შემთხვევაში დასაბუთებული უნდა იქნას ინფორმაციის ნამდვილობა).

შენიშვნა: ა) მიმწოდებელმა უნდა უზრუნველყოს ტექნიკური დავალების შესაბამისად მომზადებული საბოლოო დოკუმენტის - „მანდარინის წარმოებასა და ექსპორტთან დაკავშირებული ლოჯისტიკური და სხვა სახის ინფორმაციის კვლევა და შესაბამისი რეკომენდაციების მომზადება“, როგორც ელექტრონული ვერსიის, ასევე 10 ეგზემპლარის ნაბეჭდის სახით მიწოდება და 10 ეგზემპლარი მსოფლიო კონტურული რუქის მიწოდება.

- დოკუმენტი უნდა იყოს A4 ფორმატის მაღალი ხარისხის 100-120 გრ/კვ.მ. ცარცის თეთრ ფურცელზე, ფერადი ციფრული ნაბეჭდი, ფერადი ილუსტრაციებით, აკინძული წიგნის სახით (აკინძული თერმოწებოთი); ყდა- 250-300 გრ/კვ.მ ცარცის ფურცელი, ცალმხრივი ლამინირებით, გარეყდაზე სხვა ინფორმაციასთან ერთად მითითებული უნდა იქნას სამინისტროსა და სამინისტროს პროგრამის/ქვეპროგრამის დასახელება და სამინისტროს ლოგო.

- მსოფლიო კონტურული რუქა უნდა იყოს ფერადი, ჩარჩოში ჩასმული პარამეტრებით 60 სმX80 სმ (მე-3 თავის 3.6. ქვეპუნქტის განმარტებებით გათვალისწინებული მოთხოვნების შესაბამისად).

ბ) მიმწოდებლის მიერ წარმოდგენილ საბოლოო დოკუმენტში სრულად უნდა იყოს ასახული წინამდებარე დანართის შესაბამისად თითოეული თავისთვის გათვალისწინებული განმარტებით მოთხოვნილი ინფორმაცია.

„შემსყიდველი“
აჭარის ავტონომიური რესპუბლიკის
სოფლის მეურნეობის სამინისტრო
ს/კ: 245428265

ლაშა კომახიძე
მინისტრი

„მიმწოდებელი“
შპს „იბერგეის კონსალტინგი“
ს/კ: 405047738

გიორგი კალანდაძე
დირექტორი

ფასების ცხრილი

№	შესყიდვის ობიექტი	სულ (ლარი)	მიწოდების ადგილი და ვადები
1	სამინისტროს 2017 წლის პროგრამის „აგროსექტორის მდგრადი განვითარების“ ქვეპროგრამის „აგროსექტორის განვითარების საჭიროებათა კვლევები და სტრატეგიის“ ფარგლებში მანდარინის წარმოებასა და ექსპორტთან დაკავშირებული ლოჯისტიკური და სხვა სახის ინფორმაციის კვლევა და შესაბამისი რეკომენდაციის მიწოდება (საბოლოო დოკუმენტის ელექტრონული ვერსია, ასევე 10 ეგზემპლარი ნაბეჭდის სახით და 10 ეგზემპლარი მსოფლიო კონტურული რუქა)	24 999 (ოცდაოთხია თას ცხრაას ოთხმოცდაც ხრამეტი)	მიწოდების ადგილი: ქ. ბათუმი, აჭარის ავტონომიური რესპუბლიკის სოფლის მეურნეობის სამინისტრო; ხელშეკრულების გაფორმებიდან 110 კალენდარული დღის ვადაში ხელშეკრულების მე-4 პუნქტით გათვალისწინებული ვადებისა და პირობების შესაბამისად

„შემსყიდველი“

აჭარის ავტონომიური რესპუბლიკის
სოფლის მეურნეობის სამინისტრო
საიდენტიფიკაციო კოდი: 245428265



„მიმწოდებელი“

შპს „იბერჯეს კონსალტინგი“
ს/კ: 405047738

